



Disgrifiad Swydd a Manyleb y Person
Meddyg Ymgynghorol mewn Seiciatreg Fforensig, Gwasanaeth Seiciatreg
Fforensig Gogledd Cymru

Swydd ac Arbenigedd:	Meddyg Ymgynghorol mewn Seiciatreg Fforensig Swydd yn lle swydd arall yw hon. Gwahoddir ymgeiswyr sydd â diddordeb mewn gweithio'n rhan amser i drafod eu mewnbwn/amserlen arfaethedig i benderfynu a fyddai eu hymrwymiad yn diwallu anghenion y Bwrdd Iechyd
Lleoliad:	Bydd deiliad y swydd yn gweithio yn Uned Diogelwch Canolig Tŷ Llewelyn, Ysbyty Bryn y Neuadd, Llanfairfechan, Conwy, LL33 0HH
Contract:	Bydd y contract cyflogaeth yn cael ei gynnal gyda Bwrdd Iechyd Prifysgol Betsi Cadwaladr. Mae'r swydd yn un llawn amser, ac yn cynnwys 10 x sesiwn, 7 ohonynt yn sesiynau DCC a 3 yn sesiynau SPA. Rhoddir ystyriaeth i ymgeiswyr sy'n dymuno gweithio'n rhan amser neu rannu swydd. Gellir cymryd 1 o'r sesiynau SPA o gartref.
Yn atebol yn broffesiynol i:	Cyfarwyddwr Meddygol
Yn weithredol yn atebol i:	Cyfarwyddwr Clinigol (Fforensig)
Perthnasoedd gwaith allweddol a llinellau cyfrifoldeb:	Cyfarwyddwr Meddygol: Dr. Alberto Salmoiraghi Dirprwy Gyfarwyddwr Meddygol: Dr. Faye Graver Cyfarwyddwr Clinigol: Dr. Caroline Mulligan



1. Cyflwyniad

Bwrdd Iechyd Prifysgol Betsi Cadwaladr (BIPBC) yw'r sefydliad iechyd mwyaf yng Nghymru, ac mae'n darparu amrediad llawn o wasanaethau ysbyty sylfaenol, cymunedol, iechyd meddwl ac aciwt i boblogaeth o ryw 703,000 o bobl ar draws chwe sir Gogledd Cymru (Ynys Môn, Gwynedd, Conwy, Sir Ddinbych, Sir y Fflint a Wrecsam). Nod BIPBC yw gwella iechyd a darparu gofal rhagorol i boblogaeth Gogledd Cymru. Ein nod yw gwneud hyn drwy ein pum prif werth, sef rhoi cleifion yn gyntaf; gweithio gyda'n gilydd; gwerthfawrogi a pharchu ein gilydd; dysgu ac arloesi; cyfathrebu'n glir ac yn onest.

Mae gan BIPBC bolisi cyfle cyfartal sy'n ystyriol o deuluoedd.



2. Manylion y Bwrdd Iechyd

Mae BIPBC yn cyflogi oddeutu 19,000 o staff, ac mae gennym gyllideb o oddeutu £1.7 biliwn. Mae'n gyfrifol am ddarparu gwasanaethau ysbyty sylfaenol, cymunedol, iechyd meddwl ac aciwt ar gyfer poblogaeth Gogledd Cymru. Yn ogystal â'n tri phrif safle ysbyty yn Ysbyty Gwynedd ym Mangor, Ysbyty Glan Clwyd ym Modelwyddan ac Ysbyty Maelor yn Wrecsam, rydym hefyd yn gyfrifol am ysbytai cymunedol, canolfannau iechyd, clinigau, unedau iechyd meddwl, timau cymunedol, meddygfeydd a gwasanaethau GIG eraill a ddarperir gan ddeintyddion, optegwyr a fferyllwyr.

Mae'r Bwrdd Iechyd wrthi'n mynd drwy raglen o newid drwy ddatblygu Model Gweithredu drwy'r fethodoleg Mewn Undod Mae Nerth. Mae Gwasanaethau Iechyd Meddwl, Camddefnyddio Sylweddau, Fforensig, Adsefydlu ac Anableddau Dysgu yn aros yn yr Uwch Adran Iechyd Meddwl ac Anableddau Dysgu.

Gwasanaethau Cydgysylltiol

Mae 3 Gwasanaeth Cydgysylltiol achrededig PLAN yng Ngogledd Cymru, pob un yn darparu gwasanaeth 'craidd 24' i'r Ysbyty Cyffredinol Lleol. Maent yn cael eu harwain ar y cyd gan seiciatrydd



ymgyngorol a rheolwr gwasanaeth, sy'n gweithio'n agos gyda'r arweinwyr tîm ac uwch glinigwyr ar bob safle. Bu ehangu mawr ar wasanaethau cydgysylltiol ac mae'r timau bellach yn amlddisgyblaethol ac yn gweithio tuag at wasanaeth 'gwell'. Mae gwasanaethau cydgysylltiol ar wahanol gamau yn natblygiad llywodraethu clinigol integredig. Mae'r gwasanaeth cydgysylltiol yn dod o dan ofal aciwt ac yn cael ei oruchwylio gan y Rheolwr Gofal Aciwt yn yr uwch adran IMAD. Mae gan y gwasanaethau cydgysylltiol berthynas waith dda gyda staff cyffredinol ysbyty a gwasanaethau IMAD eraill ym maes gofal aciwt a'r gymuned.

Gwasanaethau Cymunedol i Oedolion

Mae gwasanaethau seicoleg oedolion wedi'u lleoli o amgylch Timau Iechyd Meddwl Cymunedol amlddisgyblaethol sy'n cynnig gwasanaethau iechyd meddwl eilaidd i boblogaethau dalgylch diffiniedig. Mae'r timau'n cael eu trefnu yn unol â'r chwe Awdurdod Lleol. Caiff y timau eu darparu mewn partneriaeth ag Awdurdodau Lleol, gyda lefelau gwahanol o integreiddio ar draws Gogledd Cymru.

Gwasanaethau Gofal Aciwt

Caiff Gofal Aciwt ei ddarparu o'r tri chyfleuster cleifion mewnol yn Uned Hergest, Ysbyty Gwynedd, Uned Ablett, Ysbyty Glan Clwyd ac Uned Heddfan, Ysbyty Maelor Wrecsam. Mae dwy Uned Gofal Seiciatrïg Dwys (PICU), un yn Uned Hergest ac un yn Uned Heddfan. Caiff gofal aciwt ei arwain gan feddygon ymgynghorol gofal aciwt fel rhan o fodel cydweithredol o ofal sy'n cynnal cyfranogiad meddygon ymgynghorol ac yn cynnig dilyniant.

Mae Timau Triniaeth yn y Cartref yn gweithredu fel rhan o ofal aciwt ac maent yn cael eu harwain gan y meddygon ymgynghorol gofal aciwt. Y Timau Triniaeth yn y Cartref sy'n darparu'r porth ar gyfer gwelyau cleifion mewnol ac maent hefyd yn rhoi mewnbwn i unigolion sy'n addas i'w rhyddhau'n gynnar o ofal cleifion mewnol.

Gwasanaethau Adsefydlu

Ar hyn o bryd mae 3 uned adsefydlu cleifion mewnol agored ledled Gogledd Cymru. Mae Carreg Fawr yn Llanfairfechan; Tan y Castell yn Rhuthun; a Choed Celyn yn Wrecsam.

Hefyd, mae uned adsefydlu dwys dan glo yn Uned Ablett, Ysbyty Glan Clwyd.

Caiff yr unedau adsefydlu eu rheoli gan feddygon ymgynghorol adsefydlu pwrpasol, gyda chefnogaeth timau Adsefydlu Cymunedol.

Gwasanaethau Fforensig

Mae'r Gwasanaethau Fforensig wedi'u lleoli yn Uned Diogelwch Canolig Tŷ Llywelyn yn Llanfairfechan. Mae'r gwasanaeth yn sefydlu timau cymunedol fforensig amlddisgyblaethol, a Seiciatryddion Fforensig Ymgynghorol.

Gwasanaethau Gofal Sylfaenol a Therapi Seicolegol

Mae Gwasanaethau Iechyd Meddwl Gofal Cychwynnol yn cynnig asesiadau cychwynnol a thriniaeth i bobl sydd ag anhwylderau meddyliol sy'n amrywio rhwng bod yn ysgafn ac yn gymedrol. Caiff atgyfeiriadau eu gwneud at y Timau Iechyd Meddwl Cymunedol ar gyfer dulliau rheoli arbenigol pan fo'n briodol. Mae hanes sefydledig o ddarparu amrywiaeth o driniaethau seicolegol arbenigol eilaidd a thrydyddol. Mae'r adran wedi sefydlu gweithdrefnau ar gyfer atgyfeirio, gyda gweithwyr proffesiynol penodol yn gysylltiedig â phob Tîm Iechyd Meddwl Cymunedol. Mae gan yr Adran Seicoleg gysylltiad agos â'r adran Seicoleg ym Mhrifysgol Cymru, Bangor.

Gwasanaethau Iechyd Meddwl Pobl Hŷn

Bwrdd Iechyd Prifysgol Betsi Cadwaladr (BIPBC)
Seiciatrydd Fforensig Ymgynghorol – Tŷ Llewelyn
CM/EP/Oct23



Caiff Gwasanaethau Iechyd Meddwl Pobl Hŷn eu darparu yn y gymuned gan dimau iechyd meddwl cymunedol, ac maent wedi'u trefnu yn unol â'r Awdurdodau Lleol. Maent yn darparu gwasanaethau gofal sylfaenol ac eilaidd, yn ogystal â gwasanaethau cof a darpariaeth ysbyty dydd.

Mae gennym dair uned ar draws Gogledd Cymru. Ysbyty Cefni yn Llangefni ar gyfer cleifion ag anhwylder gwybyddol yn bennaf. Ar hyn o bryd, caiff pobl hŷn sydd ag anhwylder meddyliol gweithrediadol yn y Gorllewin eu derbyn i Uned Heddfan ym Mangor.

Mae Uned Bryn Hesketh ym Mae Colwyn ar gyfer anhwylder gwybyddol yn bennaf ac mae ward Tegid yn Uned Ablett ar gyfer pobl hŷn sydd ag anhwylder meddyliol gweithrediadol.

Mae gan Uned Heddfan yn Wrecsam ddwy ward ar gyfer yr henoed, un ward ar gyfer anhwylder gwybyddol yn bennaf a'r llall ar gyfer pobl hŷn ag anhwylder meddyliol gweithrediadol.

Gwasanaethau Camddefnyddio Sylweddau

Chwe Thîm Cyffuriau ac Alcohol Cymunedol a ddarperir mewn Partneriaeth â phob Awdurdod Lleol yn gweithio ar draws Gogledd Cymru. Ceir partneriaethau gweithredol o fewn y Timau Gweithredu Lleol ar Gamddefnyddio Sylweddau, yr Heddlu a'r Gwasanaethau Prawf. Mae gan y gwasanaeth hefyd Wasanaeth Bydwreigiaeth Arbenigol a Gwasanaeth Lleihau Niwed symudol sy'n gwasanaethu chwe sir Gogledd Cymru, ac mae'r naill a'r llall wedi cael eu gweld fel enghreifftiau Cenedlaethol o arferion da.

Darperir gwasanaethau dadwenwyno ac adsefydlu yn Hafan Wen yn Wrecsam. Uned bwrpasol yw hon ar gyfer trin camddefnyddio sylweddau/alcoholiaeth a ddarperir gan CAIS, darparwr annibynnol. Mae BIPBC yn darparu mewnbyn meddygol i'r uned hon.

Gwasanaeth Amenedigol

Dyma wasanaeth cymharol newydd â thîm amlddisgyblaethol bach sydd wrthi'n cael ei ddatblygu. Mae'n weithio mewn cydweithrediad agos â'r Gwasanaethau Cydgysylltiol, Gwasanaethau Merched, gwasanaethau IMAD a Gwasanaethau Gofal Sylfaenol ar bob safle.

Gwasanaethau Anabledd Dysgu

Caiff gwasanaethau cymunedol eu darparu mewn partneriaeth ag Awdurdodau Lleol unigol, wedi'u canoli o amgylch timau amlddisgyblaethol. Darperir gwelyau arbenigol i gleifion mewnol yn Ysbyty Bryn y Neuadd, Llanfairfechan. Mae'r Gwasanaeth Cefnogaeth Ddwys yn darparu ar gyfer asesu a rheoli ymddygiad heriol yn y gymuned, a sefydlwyd cynlluniau byw â chymorth neu gymorth dwys.

Gwasanaethau Iechyd Meddwl Plant a Phobl Ifanc (CAMHS)

Mae CAMHS wedi'i leoli yn yr uwch adran Plant a Phobl Ifanc. Darperir gwasanaethau Haen 4 CAMHS i Gleifion Mewnol gan uned bwrpasol yn Abergele (Gwasanaeth i Oedolion Gogledd Cymru). Ochr yn ochr â'r uned cleifion mewnol mae Tîm Cefnogaeth Ddwys amlddisgyblaethol yn y Gymuned sy'n gweithio oriau estynedig ac yn atal cleifion rhag cael eu derbyn i welyau y tu allan i'r ardal ac yn hwyluso rhyddhau cleifion yn gynnar o'r uned cleifion mewnol.

Adran Academaidd

Mae gan BIPBC gysylltiadau ffurfiol â Phrifysgolion Bangor, Caerdydd a Glyndŵr, gan gynnwys addysgu ac ymchwil. Mae cynlluniau i ddatblygu Ysgol Feddygol yng Ngogledd Cymru dan arweiniad Prifysgol Bangor yn y camau olaf ac yn aros am gymeradwyaeth genedlaethol. Lleoliadau myfyrwyr meddygol mewn seiciatreg yn BIPBC sydd â'r sgôr uchaf yng Nghymru.

Mae'r gyfarwyddiaeth iechyd meddwl ac anabledd dysgu yn cynnwys uned ymchwil amlddisgyblaethol gref gydag enw da rhyngwladol, sef Y Ganolfan ar gyfer Iechyd Meddwl a Chymdeithas, sy'n rhan o



Ysgol Feddygol a Gwyddorau Iechyd Prifysgol Bangor. Mae'r Ganolfan yn cynnwys dau athro seiciatreg (Rob Poole a Peter Lepping), athro ymchwil iechyd meddwl (Peter Huxley), uwch ddarlithydd mewn seiciatreg (Robert Higgo), cymrawd ymchwil a dau swyddog ymchwil, arbenigwr nyrsio clinigol ymchwil, a chymrawd Hyfforddiant Academaidd Clinigol Cymru, ynghyd â staff ymchwil a staff cymorth a ariennir drwy grant a staff y GIG sy'n ymwneud ag ymchwil. Mae manylion gweithgarwch ymchwil y Ganolfan ar gael yn <https://cfmhas.org.uk/> Mae cysylltiadau cryf hefyd â Phrifysgol Caer a Gofal Cymdeithasol a Chymdeithas ym Mhrifysgol Manceinion, dan arweiniad yr Athro Catherine Robinson. Mae'r Ganolfan yn bartner yng Nghanolfan Genedlaethol Iechyd Meddwl Cymru. Mae gan gyfarwyddiaeth IMAD BIPBC Fwrdd Partneriaeth Academaidd ffyniannus.

Mae cyfleoedd i Feddygon Ymgynghorol y GIG ddilyn diddordebau ymchwil drwy'r Ganolfan.

3. Manylion y Gwasanaeth

Mae hon yn swydd newydd ac mae'n rhan o ddatblygiad parhaus gwasanaethau Fforensig, sy'n ein galluogi i gynnig gwasanaethau Fforensig arbenigol cynaliadwy i boblogaeth Gogledd Cymru. Bydd gan ddeiliad y swydd gyfleusterau cleifion mewnol yn uned diogelwch canolig Tŷ Llywelyn

4. Trefniadau Gweithio Lleol

Seiciatrydd Ymgynghorol	2 Seiciatrydd Ymgynghorol Fforensig ychwanegol
Staff Meddygol Eraill	1 Meddyg Fforensig Arbenigol wte 1-2 Meddyg CT3 yn gweithio ar draws Gwasanaethau Diogel
Nyrsio a Gofal Cymdeithasol	1 Rheolwr Gwasanaeth Clinigol 1 Metron Fodern wte 3 Nyrs Band 7 wte 7 Nyrs Band 6 wte
Seicoleg	2 Seicolegydd Fforensig 3 Seicolegydd Clinigol 1 Seicolegydd Cynorthwyol
Therapi Galwedigaethol	1 Therapydd Galwedigaethol Band 7 1 Therapydd Galwedigaethol Band 6 1.2 Technegydd Therapi Galwedigaethol Band 4 0.8 Therapydd Galwedigaethol
Gweinyddol	3 Ysgrifennydd wte, wedi'u rhannu rhwng 2 Feddyg Ymgynghorol

Bydd disgwyl i ddeiliad y swydd gynnig traws-gyflenwi dros gydweithwyr sydd ar wyliau ac fel arall.

Bydd gofyn i feddygon ymgynghorol gydymffurfio â Mesur Iechyd Meddwl (Cymru) 2010. Mae hon yn gyfraith statudol yng Nghymru a'i nod yw rhoi'r hawl i gleifion gael gofal o safon uchel.

Bydd deiliad y swydd yn gymwys i gofrestru fel hyfforddwr ar Gynllun Hyfforddi Gogledd Cymru a gweithio gydag uwch hyfforddai. Bydd cymorth meddygol ar gyfer gofal cleifion mewnol yn cael ei



ddarparu gan yr Hyfforddai Craidd a bydd Meddyg Arbenigol amser llawn yn cael ei rannu ar draws y tri meddyg ymgynghorol (gydag un yn cael ei nodi fel Goruchwyliwr Clinigol).

5. Datblygiad Proffesiynol Parhaus (DPP)

Bydd cefnogaeth ar gyfer absenoldeb astudio ac absenoldeb proffesiynol arall yn cael ei ddarparu yn unol â pholisi BIPBC (30 diwrnod o absenoldeb astudio dros dair blynedd). Disgwylir i ddeiliad y swydd gymryd rhan ym Mhroses Ailddilysu Cymru, sy'n cynnwys arfarniadau blynyddol at ddibenion ailddilysu. Bydd deiliad y swydd hon yn cynnal ei sylfaen wybodaeth broffesiynol a'i gymhwysedd trwy gymryd rhan mewn datblygiad proffesiynol parhaus (DPP) a chymryd rhan yn un o'r grwpiau CDP Uwch Adrannol i gefnogi'r gwaith o gyflawni gofynion DPP Coleg Brenhinol y Seiciatryddion.

Ar hyn o bryd nid oes cap cyllideb ar gyfer absenoldeb astudio, a gwneir penderfyniad ar bob cais yn ôl disgrisiwn y Cyfarwyddwr Meddygol.

6. Arweinyddiaeth Glinigol a Rheolaeth Feddygol

Bydd disgwyl i ddeiliad y swydd gymryd rhan mewn cyfarfodydd datblygu gwasanaeth, cymryd rhan yn y gwaith o reoli'r gwasanaeth, a darparu goruchwyliaeth glinigol a datblygiad ymarfer i staff yn y gwasanaeth.

7. Arfarnu a Chynllunio Swyddi

Mae arfarniad gan un o arfarnwyr cymeradwy BIPBC yn ofyniad blynyddol yn yr un modd ag y mae cymryd rhan yng nghynllun ailddilysu GMC.

Mae cynllunio swydd yn cael ei gynnal yn flynyddol o leiaf. Mae gofyn i ddeiliad y swydd gymryd rhan. Bydd cyfarfod cynllunio swydd yn cael ei gynnal cyn pen 6 wythnos ar ôl dechrau'r swydd.

8. Addysgu a Hyfforddi

Bydd gofyn i ddeiliad y swydd gymryd rhan yn y gwaith o ddarparu hyfforddiant arbenigol i hyfforddeion ar gylchdro Rhaglen Hyfforddiant Deoniaeth Cymru ar gyfer Seiciatreg Gogledd Cymru. Bydd yn cael ei annog hefyd i gymryd rhan yn y rhaglen academiaidd seiciatreg leol ac i chwarae rhan weithredol yn addysg a hyfforddiant staff meddygol, nyrsio a staff eraill yn ei dîm cydgysylltiol ei hun a'r gwasanaethau IMAD a'r ysbyty cyffredinol. Disgwylir iddo gymryd rhan yn yr addysgu israddedig i Fyfyrrwyr Meddygol ar leoliad, a defnyddio cyfleoedd fel rowndiau mawr yr ysbyty fel y bernir yn briodol.

9. Ymchwil

Bydd cyfleoedd ymchwil ar gael a byddant yn cael eu cefnogi gan gydweithrediadau ymchwil iechyd meddwl gyda Phrifysgolion Bangor a Glyndŵr.

Mae grŵp academiaidd seiciatreg fforensig Cymru gyfan yn cwrdd ddwywaith y flwyddyn yng Nghaerdydd. Bydd presenoldeb yn cael ei annog a'i gefnogi.

10. Deddf Iechyd Meddwl 1983 a Chymeradwyaeth Clinigydd Cyfrifol



Disgwylir cymeradwyaeth ar gyfer Adran 12(2) a chydabyddiaeth fel Clinigydd Cymeradwy gan Banel Cymeradwyo Cymru. Pan fo'n berthnasol, bydd gofyn i ddeiliad y swydd weithio o fewn fframwaith Mesur Iechyd Meddwl (Cymru) 2010.

11. Cefnogaeth Ysgrifenyddol a Chyfleusterau Swyddfa

Mae swyddfa benodol ar gael yn Nhŷ Llewelyn.

Bydd deiliad y swydd yn cael cyfrifiadur personol a fydd yn cael ei gysylltu â systemau gwybodaeth y Bwrdd Iechyd. Gellir darparu ffôn clyfar.

Mae Gwasanaeth Gwybodeg y Bwrdd Iechyd yn darparu mynediad at hyfforddiant a chefnogaeth uniongyrchol mewn perthynas â thechnoleg gwybodaeth. Mae amrediad llawn o wasanaethau seilwaith hefyd ar gael yn y Bwrdd Iechyd i gefnogi deiliad y swydd a'r gwasanaeth.

Mae tîm o ysgrifenyddion meddygol a staff gweinyddol gyda'r nod o ddarparu gwasanaeth hyblyg a chyson. Bydd y tîm hwn yn darparu cefnogaeth i'r swydd ymgynghorol hon ac eraill, fel y bydd gan ddeiliad y swydd berson(au) penodol y gall ymwneud â nhw, ond y bydd eraill hefyd yn darparu cymorth.

12. Dyletswyddau Clinigol Deiliad y Swydd

Bydd y dyletswyddau clinigol yn cynnwys:

- Asesiad cynhwysfawr o atgyfeiriadau
- Arwain y Tîm Amlddisgyblaethol yn y tîm gofal cleifion
- Bod yn bresennol yn y cyfarfod cyfeirio a dyrannu Amlddisgyblaethol wythnosol.
- Gweithio yn unol â gofynion Mesur Iechyd Meddwl (Cymru).
- Gweinyddu'r Mesur Iechyd Meddwl, a phresenoldeb mewn Tribiwnlysoedd
- Goruchwyliaeth glinigol a datblygu ymarfer staff meddygol, nyrsio a staff eraill.
- Darparu, yn ôl y gofyn, asesiadau ffforensig arbenigol ar gyfer y Llysoedd, MAPPA a'r Gwasanaeth Cenedlaethol Rheoli Troseddwyr...
- Darparu asesiadau ffforensig arbenigol a chynghor ymgynghori i'r Tîm Iechyd Meddwl Cymunedol a gwasanaethau cleifion mewnol aciwt yng Ngogledd Cymru.
- Asesu cleifion mewn ysbytai diogel yn y sector annibynnol a goruchwylio cydlynwyr gofal yn ôl yr angen.
- Bydd deiliad y swydd yn gyfrifol am ofal seiciatrig cyffredinol poblogaeth cleifion mewnol o fewn y gwasanaethau diogelwch canolog.
- Gyda chydweithwyr yn y tîm amlddisgyblaethol, byddwch yn cynnig arweinyddiaeth, asesiad a rheolaeth feddygol ar gyfer cleifion mewnol ac ar gyfer cyfrifoldebau ehangach y gwasanaeth ffforensig yn lleol sy'n cynnwys carchardai a'r tîm iechyd meddwl ffforensig cymunedol.
- Mae'r seiciatryddion ffforensig ymgynghorol yn y gwasanaeth yn gweithio yn ôl model fel bod gan bob un gyfrifoldeb sylfaenol am lwyth achosion o fewn darpariaeth cleifion mewnol.
- Mae'r cleifion y mae'r meddygon ymgynghorol yn gysylltiedig â nhw yn cael eu pennu i ddechrau ond gallant newid wrth i'r gwasanaeth esblygu i gwrdd â newidiadau yn y galw. Bydd yr ymgeisydd llwyddiannus yn rhoi mewnbyn i'r llwybr triniaeth salwch meddwl diogelwch canolog (gwrywaidd).
- Mae ymrwymiad cleifion allanol ynghlwm wrth y swydd hon. Fodd bynnag, wrth i'r Gwasanaethau Allgymorth Fforensig ddatblygu fel rhan o'r Rhaglen Hyfforddiant



Gwyddonwyr, rhagwelir y bydd cynlluniau swyddi ar gyfer yr holl feddygon ymgynghorol yn y gwasanaeth Fforensig yn cael eu hadolygu a gallant ymgorffori sesiynau sy'n gweithio gyda'r Tîm Iechyd Meddwl Fforensig Cymunedol ynghyd â gostyngiad cyfatebol mewn cyfrifoldeb am gleifion mewnol.

- Mae atgyfeiriadau i'r gwasanaeth diogel yn cael eu hanfon yn uniongyrchol at y Rheolwr Risg ac Atgyfeiriadau a'r Cyfarwyddwr Clinigol ac mae atgyfeiriadau'n cael eu dyrannu ar gyfer asesiadau porthgadw yn briodol, gan ystyried llwyth gwaith ac argaeledd unigol. Mae asesiadau'n amlddisgyblaethol. Mae cyfradd yr atgyfeiriadau'n amrywio ond gall pob meddyg ymgynghorol ddisgwyl yn rhesymol i gynnal asesiad a darparu adroddiad ysgrifenedig 1-2 x bob mis.
- Goruchwyliaeth ymgynghorol i gydlynwyr gofal ar gyfer cleifion mewn lleoliadau y tu allan i'r ardal mewn ysbytai diogelwch canolig eraill ac ysbytai diogel iawn.
- Asesiadau porthgadw ar gyfer troseddwr â chyflyrau meddyliol i wasanaethau diogel.
- Mewnbyn fel meddyg ymgynghorol i'r tîm fforensig cymunedol amlddisgyblaethol. Mae'r tîm yn darparu cymorth cymunedol gwell a dull o adfer ar gyfer pobl sy'n camu i lawr o ddiogelwch canolig.
- Gwaith ymgynghori a meithrin gallu gyda gwasanaethau iechyd meddwl lleol i wella'r ffordd y maent yn rheoli risg ac ymddygiad troseddol.
- Meddu ar statws Clinigydd Cyfrifol, a bod yn Glinigydd Cymeradwy fel y diffinnir yn y Ddeddf Iechyd Meddwl ar gyfer cleifion yn y gwasanaeth.
- Bydd deiliad y swydd yn gyfrifol am ddarparu goruchwyliaeth, arweinyddiaeth glinigol a rheolaeth i staff meddygol iau.
- Disgwylir i ddeiliad y swydd weithio'n hyblyg gyda chydweithwyr i sicrhau bod y gwasanaeth yn rhedeg yn esmwyth, a sicrhau bod y gofal mwyaf priodol yn cael ei ddarparu i bob claf unigol.
- Cymryd rhan mewn gweithgareddau llywodraethu clinigol gan gynnwys archwilio clinigol a rheoli risg er mwyn gwella ansawdd y gofal a ddarperir yn barhaus.
- Cyflenwi yn y tymor byr dros gyfnodau wedi'u hawdurdodi pan fo cydweithwyr sy'n Feddygon Ymgynghorol yn absennol o ddyletswydd.
- Cymryd rhan mewn datblygiad proffesiynol parhaus yn unol â chanllawiau Coleg Brenhinol y Seiciatryddion.
- Cydymffurfio â holl bolisiau a gweithdrefnau'r Bwrdd Iechyd, a luniwyd mewn ymgynghoriad â'r proffesiynau mewn perthynas â materion clinigol.
- Cwblhau'r holl waith gweinyddol clinigol perthnasol sy'n gysylltiedig â'r swydd.
- Rhaid i'r sawl a benodir allu teithio o amgylch y cyfleusterau a wasanaethir gan y swydd hon a allai, mewn perthynas ag atgyfeiriadau, fod gryn bellter – disgwylir i ddeiliad y swydd gymryd rhan yn yr asesiad amlddisgyblaethol o atgyfeiriadau newydd ac wrth borthgadw ac adolygu'n barhaus gleifion a leolir mewn mannau eraill.
- Bydd y dyletswyddau hyn yn cael eu hadolygu o bryd i'w gilydd yng ngoleuni gofynion newidiol y gwasanaeth. Os oes angen gwneud newidiadau i'r dyletswyddau a ddisgrifir, bydd y sawl a benodir a'r Bwrdd Iechyd yn cytuno ar y rhain.

13. Dyletswyddau Hyfforddi

Mae hyfforddiant seiciatreg yng Ngogledd Cymru yn rhan o Ddeoniaeth Cymru, o dan Bennaeth yr Ysgol. Trefnir hyfforddiant craidd ar sail Gogledd Cymru, gyda thri ffrwd ar draws Gogledd Cymru ac amrywiaeth o F2, GPST a swyddi hyfforddi cyfnod penodol.



Mae rhaglen weithredol o gyflwyniadau achos, Clwb Cyfnodolion a siaradwyr allanol ar waith gyda hyfforddiant amlddisgyblaethol ar bob safle. Mae cyfarfod Seiciatrig Gogledd Cymru yn digwydd yn chwarterol ac yn aml yn denu siaradwyr allanol o safon uchel.

14. Llywodraethu Clinigol

Mae'r Uwch Adran Iechyd Meddwl ac Anableddau Dysgu wedi adolygu a diweddarau ei strwythur rheoli a llywodraethu yn ddiweddar. Mae'r Uwch Adran yn cael ei harwain gan Gyfarwyddwr Iechyd Meddwl, gyda chefnogaeth Cyfarwyddwr Meddygol, Cyfarwyddwr Nyrsio a Chyfarwyddwr Gweithrediadau.

Mae'r Uwch Adran yn gweithredu ar sail ardal leol ar gyfer iechyd meddwl oedolion a phobl hŷn, gan ganolbwyntio ar y tri Ysbyty Cyffredinol. Mae gan bob ardal leol Gyfarwyddwr Clinigol, Pennaeth Nyrsio a Phennaeth Gweithrediadau a Darparu Gwasanaethau. Ar gyfer Seiciatreg Fforensig, Gwasanaethau Camddefnyddio Sylweddau ac Anabledd Dysgu, mae strwythur ar wahân sydd â Chyfarwyddwr Clinigol, Pennaeth Nyrsio a Phennaeth Gweithrediadau a Darparu Gwasanaethau. Bydd deiliad y swydd yn cael ei reoli gan y Cyfarwyddwr Clinigol perthnasol a fydd hefyd yn gyfrifol am y cynllun swydd blynyddol.

Mae pob ardal leol yn cynnal cyfarfodydd llywodraethu lleol sy'n bwydo i mewn i strwythur llywodraethu'r Uwch Adran. Mae strwythur yr uwch adran yn cynnwys cyfarfodydd 'Gweithio i Wella', sy'n craffu ar ddigwyddiadau a allai ddigwydd yn yr wythnos a helpu i gydlynu'r Digwyddiad Difrifol a'r broses adolygu pryderon. Mae'r uwch adran yn cynnal Grŵp Marwoldeb sy'n adolygu'r holl farwolaethau. Mae'r grŵp Ansawdd, Diogelwch a Phrofiad Cleifion yn bwydo i mewn i broses llywodraethu corfforaethol y Bwrdd Iechyd.

Bydd gofyn i ddeiliad y swydd gymryd rhan mewn gweithgareddau Llywodraethu Clinigol a chymryd rhan ym mhroses arfarnu'r Bwrdd Iechyd, gan gynnwys cynnal datblygiad proffesiynol parhaus a chymryd rhan mewn grŵp lleol ar gyfer cynlluniau datblygiad personol. Bydd deiliad y swydd yn cymryd rhan mewn gwaith archwilio clinigol i gefnogi arfarniad gyda chefnogaeth adran archwiliad clinigol BIPBC.

15. Dyletswyddau Cyffredinol

- Rheoli, arfarnu a rhoi goruchwyliaeth broffesiynol i staff meddygol iau, fel y cytunwyd rhwng cydweithwyr ymgynghorol a'r cyfarwyddwr clinigol ac yn unol â pholisïau a gweithdrefnau personél y Bwrdd Iechyd. Gall hyn gynnwys asesu cymwyseddau o dan y fframwaith Moderneiddio Gyrfaedd Meddygol.
- Sicrhau bod y staff meddygol iau sy'n gweithio gyda deiliad y swydd yn gweithredu o fewn paramedrau'r Fargen Newydd ac yn cydymffurfio â'r Gyfarwydddeb Amser Gweithio.
- Ymgymryd â dyletswyddau gweinyddol sy'n gysylltiedig â gofal cleifion.
- Cofnodi gweithgaredd clinigol yn gywir ac yn gynhwysfawr, a chyflwyno hyn yn brydlon i'r adran briodol.
- Cymryd rhan mewn gweithgarwch cynllunio gwasanaeth a busnes ar gyfer yr ardal leol ac fel y bo'n briodol, ar gyfer yr holl wasanaeth iechyd meddwl.
- Cymryd rhan mewn arfarniad blynyddol ar gyfer meddygon ymgynghorol.
- Mynychu a chymryd rhan yn rhaglen academiaidd y Bwrdd Iechyd, gan gynnwys darlithoedd a seminarau fel rhan o'r rhaglen fewnol ar gyfer datblygiad proffesiynol parhaus.



- Cynnal cofrestrriad proffesiynol gyda'r Cyngor Meddygol Cyffredinol, cymeradwyaeth Adran 12 (2) Deddf Iechyd Meddwl 1983, er mwyn gweithio o fewn fframwaith cyfreithiol Mesur Iechyd Meddwl (Cymru) 2010 a chadw at godau ymddygiad proffesiynol.
- Cymryd rhan mewn adolygiad cynllun swydd blynyddol gyda'r Cyfarwyddwr Clinigol, a fydd yn cynnwys ymgynghori er mwyn sicrhau bod y swydd yn cael ei datblygu i ystyried newidiadau yn ffurfweddiad gwasanaethau a darpariaeth sy'n gysylltiedig â moderneiddio.
- Gweithio gyda rheolwyr a chydweithwyr proffesiynol i sicrhau bod gwasanaethau'n rhedeg yn esmwyth, a rhannu cyfraniad meddygol ymgynghorol at waith rheoli gyda chydweithwyr sy'n feddygon ymgynghorol.
- Cydymffurfio â pholisïau, gweithdrefnau, archebion sefydlog a chyfarwyddiadau ariannol y Bwrdd Iechyd, ac ymgymryd â rôl weithredol mewn rheolaeth ariannol y gwasanaeth a chefnogi'r Cyfarwyddwr Meddygol a'r Cyfarwyddwr Clinigol wrth baratoi cynlluniau ar gyfer gwasanaethau.

16. Dyletswyddau, Rolau a Chyfrifoldebau Allanol

Mae'r Bwrdd Iechyd yn cefnogi rhan weithredol y corff ymgynghorol mewn grwpiau rhanbarthol a chenedlaethol megis rolau gyda Llywodraeth Cymru a/neu'r RCPsych, yn amodol ar drafodaeth a chymeradwyaeth gyda'r Cyfarwyddwr Meddygol.



17. Dyletswyddau Eraill

O bryd i'w gilydd, mae'n bosibl y bydd yn ofynnol i ddeiliad y swydd gyflawni dyletswyddau eraill fel y neilltuir gyda chytundeb gan y Bwrdd Iechyd. Disgwylir na fydd ddeiliad y swydd yn gwrthod cytuno'n afresymol ag unrhyw newidiadau arfaethedig rhesymol y gallai'r Bwrdd Iechyd eu gwneud.

18. Rhaglen Waith

Rhagwelir y bydd deiliad y swydd yn gweithio 10 gweithgaredd a raglennwyd dros 5 diwrnod. Ar ôl penodi, cynhelir cyfarfod gyda'r Cyfarwyddwr Clinigol cyn pen chwe wythnos i adolygu a diwygio cynllun swydd ac amcanion deiliad y swydd. Rhaniad cyffredinol y gweithgareddau a raglennwyd yw 7 i'w neilltuo i ofal clinigol uniongyrchol a 3 i gefnogi gweithgareddau proffesiynol ategol (yn unol ag argymhelliad Coleg Brenhinol y Seiciatryddion). Gellir gwneud un o'r gweithgareddau proffesiynol hyn gartref lle bo hynny'n ymarferol.

Dangosol yn unig yw'r amserlen. Bydd cynllun swydd ffurfiol yn cael ei gytuno rhwng deiliad y swydd a'r Cyfarwyddwr Clinigol chwe wythnos ar ôl dechrau'r swydd ac o leiaf yn flynyddol ar ôl hynny.

Rhaglen Waith – Amserlen (dros dro)

Gofal Clinigol Uniongyrchol:

- 2 x sesiwn o waith ward, gan gynnwys gwaith gweinyddol a pharatoadau o dan y Ddeddf Iechyd Meddwl
- 1 x sesiwn rownd ward
- 1 x sesiwn o gyfarfod fforensig y Tîm Amlddisgyblaethol
- 3 x asesiad fforensig cymunedol, ymgynghoriad ac adolygiadau o'r sesiwn

Gweithgareddau Proffesiynol Ategol:

- Cynigir y swydd gyda 3 sesiwn SPA yn amodol ar drafodaeth gyda'r Bwrdd Iechyd.
- 2 x sesiwn yn cynnal safonau proffesiynol ac ailddilysu
- 1 x sesiwn datblygu gwasanaeth

	Dydd Llun	Dydd Mawrth	Dydd Mercher	Dydd Iau	Dydd Gwener
AM	Atgyfeiriadau	CTM	Dyraniad/Atgyfeiriadau Gwasanaeth Fforensig	Adolygiadau Fforensig Cymunedol	Gwaith Ward/Gweinyddol
PM	SPA	Adolygiad Fforensig Cymunedol	Gwaith Ward	SPA	SPA

19. Trefniadau Ar-Alwad a Llanw

Mae yna rota ar-alwad 1:13 ar gyfer meddygon ymgynghorol (Haen 3), sy'n denu sesiwn wythnosol ar Ddwyster Band 1 ac yn cwmpasu ardal y Gorllewin; Uned Seiciatrig Cleifion Mewnol Hergest. Bydd trefniadau ar-alwad, absenoldeb a llanw yn cael eu gwneud gyda chydweithwyr ymgynghorol cymuned.



Disgwylir i ddeiliad y swydd fyw mewn ardal sy'n gymesur â'r dyletswyddau ar-alwad.

20. Cytundeb Contract

Bydd sicrwydd i'r swydd dan Amodau a Thelerau Gwasanaeth Staff Meddygol a Deintyddol Ysbyty (Cymru a Lloegr) fel y diwygiwyd o dro i dro. Cytunwyd ar gontractau gyda thrafodwyr lleol Cymdeithas Feddygol Prydain (BMA), ond mae'n bosibl y bydd unigolion yn dymuno trafod hyn ymhellach cyn derbyn y swydd.

Mae'r swydd yn denu'r cyflog y cytunwyd arno yn genedlaethol, amser llawn £91,722 - £119,079 gyda dyfarniadau ymrwymiad.

21. Absenoldeb

Mae gan ddeiliad y swydd hawl i 34 diwrnod o wyliau blyneddol y flwyddyn a 30 diwrnod o absenoldeb astudio dros dair blynedd.

22. Trefniadau Ymweld

Cyfarwyddwr Clinigol (Fforensig): 03000 852958
Cyfarwyddwr Meddygol: 03000 857920
Rheolwr Cymorth Busnes: 03000 858221

Gwefan BIPBC: <http://howis.wales.nhs.uk/sitesplus/861/home>

23. Cymeradwyaeth Coleg Brenhinol y Seiciatryddion i'r Disgrifiad Swydd hwn

Mae'r disgrifiad swydd a manyleb y person hwn wedi cael eu cymeradwyo gan Gynghorwr Rhanbarthol Coleg Brenhinol y Seiciatryddion ar **tbc**.

Manyleb y Person/Meini Prawf Dethol

Meddyg Ymgynghorol mewn Seiciatreg Fforensig, Gwasanaeth Seiciatreg Fforensig Gogledd Cymru

Talfyriadau ar gyfer asesu: **S** : Sgrinio cyn llunio rhestr fer **A** : Llunio rhestr fer o ffurflen gais

P : Cyflwyniad i'r panel ffurfiol

F : Cyfweiliad y Pwyllgor Penodiadau Ffurfiol

R : Geirdaon

	Hanfodol	Pan aseswyd	Dymunol	Pan aseswyd
Cymwysterau	12/2 Cymeradwyo Cymeradwyaeth AC (neu'n gymwys i'w gymeradwyo) MRCPsych neu gymhwyster cyfatebol a gydnabyddir gan Goleg Brenhinol y Seiciatryddion.	S S	CC T Fforensig Cymhwyster ôl-radd neu radd uwch mewn addysg feddygol, ymchwil clinigol neu reoli.	A
Cymhwysedd	Wedi cofrestru'n llawn â'r Cyngor Meddygol Cyffredinol gyda thrwydded i ymarfer ar adeg y penodiad. Wedi'ch cynnwys ar Gofrestr Arbenigol y Cyngor Meddygol Cyffredinol neu o fewn 6 mis o gwblhau CCT. Wedi'ch cymeradwyo o dan S12 neu'n gallu ei gyflawni cyn pen 3 mis o benodiad. Statws clinigydd cymeradwy neu'n gallu ei gyflawni cyn pen 3 mis o gael eich penodi.	S S S S	Safle da gyda'r Cyngor Meddygol Cyffredinol o ran rhybuddion ac amodau ar arfer. Cymeradwyaeth AC Cymru.	S A



Sgiliau Clinigol	Tystiolaeth o hyfforddiant mewn cymwyseddau craidd ac arbenigol ar gyfer seiciatreg fforensig. Sgiliau meddygol cyffredinol Profiad o arwain tîm amlddisgyblaethol.	S S S		
Addysgu a Hyfforddi	Tystiolaeth o ddarparu addysgu ôl-raddedig. Tystiolaeth o ddarparu addysgu amlddisgyblaethol.	A A	Profiad o addysgu myfyrwyr meddygol.	A
Ymchwil/Archwilio	Tystiolaeth o ddechrau gwaith gwreiddiol a'i gynnal. Tystiolaeth o ymgymryd â phrosiect archwilio perthnasol.	A A	Tystiolaeth o ymchwil mewn tystiolaeth o ymchwil mewn seiciatreg fforensig.	A
Cymhelliant	Tystiolaeth o ymrwymiad a brwdfrydedd i ddatblygu seiciatreg fforensig Tystiolaeth o ymrwymiad i weithio fel aelod o dîm amlddisgyblaethol.	A		
Rhinweddau Personol	Dangos sgiliau arwain. Dangos eich bod yn gallu gweithio dan bwysau.	A A	Tystiolaeth o allu datblygu a defnyddio cysylltiadau gyda defnyddwyr gwasanaeth.	A A



	Dangos sgiliau cyfathrebu da, yn ysgrifenedig, ar lafar a rhyngpersonol.	A	Tystiolaeth o allu meithrin perthynas gyda chydweithwyr.	
Trafnidiaeth	Yn meddu ar drwydded yrru ddilys yn y DU, neu ddarparu tystiolaeth o ddewis arall.	S		